

Ստացված է « 02 » « 10 » 2020թ.

Տպագրված է ընդամենը 3 օրինակ

բաղկացած է 13 թերթից

Օրինակ 3

**ՀԱՍՏԱՏՎԱԾ Է**

**ԳՐԱԼՑՎԱԾ Է**

Շրջակա միջավայրի նախարարի  
2020 թվականի հոկտեմբերի 02-ի N 378 -Լ  
հրամանով

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ  
ՌԵԳԻՍՏՐԻ ԿՈՂՄԻՏԵ

«26» «02» 2003թ.

գրանցման համարը՝ 42.210.02021

ՀՎՀՀ՝ 00804807

Շրջակա միջավայրի  
Նախարար՝

Ռ. Պետրոսյան

22.04.2014թ. գրանցված  
կանոնադրության թիվ  
001.2 փոփոխությունը գրանցված է  
իրավաբանական անձանց պետական  
ռեգիստրի կողմից  
«16» «10» 2020թ.

Աշխատակից՝



«ԱՐԳԵԼՈՅԱՊԱՐԿԱՅԻՆ ՀԱՄԱԼԻՐ»

ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ

ԿԱՆՈՆԱԴՐՈՒԹՅՈՒՆ

(ՆՈՐ ԽՄԲԱԳՐՈՒԹՅՈՒՆ)

ԵՐԵՎԱՆ-2020թ.

## ԿԱՆՈՆԱԴՐՈՒԹՅՈՒՆ

### «ԱՐԳԵԼՈՑԱՊԱՐԿԱՅԻՆ ՀԱՄԱԼԻՐ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ

#### 1. ԸՆԴՀԱՆՈՒՐ ԴՐՈՒՅԹՆԵՐ

1. «Արգելոցապարկային համալիր» պետական ոչ առևտրային կազմակերպությունը (այսուհետ՝ կազմակերպություն) շահույթ ստանալու նպատակ չհետապնդող, իրավաբանական անձի կարգավիճակ ունեցող բնապահպանական, գիտահետազոտական, գիտաճանաչողական (էկոկրթական) կազմակերպություն է, որը գործում է Հայաստանի Հանրապետության Սահմանադրությանը, Հայաստանի Հանրապետության քաղաքացիական օրենսգրքին, «Պետական ոչ առևտրային կազմակերպությունների մասին» և «Բնության հատուկ պահպանվող տարածքների մասին» օրենքներին, այլ օրենքներին, սույն կանոնադրությանը և այլ իրավական ակտերին համապատասխան:
2. Կազմակերպության հիմնադիրը Հայաստանի Հանրապետությունն է՝ ի դեմս Հայաստանի Հանրապետության կառավարության (այսուհետ՝ հիմնադիր):
3. Կազմակերպության կանոնադրությունը դրա հիմնադիր փաստաթուղթն է:
4. Կազմակերպությունը հանդիսանում է «Ձիկատար» բնապահպանական կենտրոն» պետական ոչ առևտրային կազմակերպության (գրանցված է Հայաստանի Հանրապետության իրավաբանական անձանց պետական ռեգիստրի կողմից 15.04.2003թ., գրանցման համարը՝ 81.210.00272, ՀՎՀՀ՝ 07401434, գտնվելու վայրը՝ Տավուշի մարզ, գ. Կողբ) իրավահաջորդը:
5. Կազմակերպությունը «Էրեբունի» պետական արգելոցի, «Որդան կարմիր», «Ջերմուկի ջրաբանական», «Հանքավանի ջրաբանական» և «Ձիկատար» պետական արգելավայրերի տարածքներում ապահովում է դրանց կանոնադրություններով ամրագրված պահանջների կատարումը:
6. Կազմակերպությունն ունի Հայաստանի Հանրապետության զինանշանի պատկերով և իր՝ հայերեն, ռուսերեն և անգլերեն անվանմամբ կլոր կնիք, դրոշմակնիք, կարող է ունենալ ձևաթղթեր, խորհրդանիշ և անհատականացման այլ միջոցներ:
7. Կազմակերպության անվանումն է՝
  - 1) հայերեն լրիվ՝ «Արգելոցապարկային համալիր» պետական ոչ առևտրային կազմակերպություն.
  - 2) հայերեն կրճատ՝ «Արգելոցապարկային համալիր» ՊՈԱԿ.
  - 3) ռուսերեն լրիվ՝ Государственная некоммерческая организация «Заповеднопарковый комплекс».
  - 4) ռուսերեն կրճատ՝ ГНКО «ЗП комплекс».
  - 5) անգլերեն լրիվ՝ Reserve park complex, State Non-Commercial Organization.
  - 6) անգլերեն կրճատ՝ RP complex SNCO:
8. Կազմակերպության գտնվելու վայրն է՝ Կոտայքի մարզ, գյուղ Ջրվեժ:

**II. ԿԱԶՄԱԿԵՐՊՈՒԹՅԱՆ ԳՈՐԾՈՒՆԵՈՒԹՅԱՆ ԱՌԱՐԿԱՆ, ՆՊԱՏԱԿԸ,  
ՈՐԾԱՌՈՒՅԹՆԵՐԸ ԵՎ ԶԵՌՆԱՐԿԱՏԻՐԱԿԱՆ ԳՈՐԾՈՒՆԵՈՒԹՅԱՆ ՏԵՍԱԿՆԵՐԸ**

9. Կազմակերպության գործունեության առարկան և նպատակը «Էրեբունի» պետական արգելոցի, և «Որդան կարմիր», «Ջերմուկի ջրաբանական», «Հանքավանի ջրաբանական» և «Զիկատար» պետական արգելավայրերի տարածքների բնական էկոհամակարգերի, լանդշաֆտային և կենսաբանական բազմազանության, բնության ժառանգության գիտական ուսումնասիրության, պահպանության, պաշտպանության, վերականգնման, վերարտադրության, հաշվառման, դիտանցի, բնական պաշարների կայուն օգտագործման, անտառաշինական աշխատանքների իրականացման, անտառատնտեսության բնագավառի համար կադրերի վերապատրաստման և ուսումնաարտադրական պրակտիկայի կազմակերպման ապահովումն է:
10. Կազմակերպության գործառույթներն են՝
- 1) ապահովում է պահպանվող տարածքների բնական էկոհամակարգերի լանդշաֆտային ու կենսաբանական բազմազանության, գենոֆոնդի, բնության ժառանգության պահպանությունը, կազմակերպում և իրականացնում է դրանց գիտական ուսումնասիրությունը.
  - 2) նշված տարածքներում կազմակերպում և մասնակցում է էկոհամակարգերի ու դրանց առանձին բաղադրիչների, բուսական և կենդանական աշխարհի հաշվառմանն ու նախապատրաստում է կադաստրի վարման համար անհրաժեշտ նյութերը.
  - 3) իրականացնում է էկոլոգիական մոնիթորինգ, վարում բնության տարեգրությունը.
  - 4) կանխարգելում է մարդու գործունեության հետևանքով պահպանվող տարածքների բնական էկոհամակարգի հավասարակշռությունը խախտող գործընթացները և Հայաստանի Հանրապետության օրենսդրությամբ սահմանված դեպքերում՝ իրականացնում խախտված էկոհամակարգերի վերականգնման միջոցառումներ.
  - 5) կազմակերպում է բնակչության հանգիստը և զբոսաշրջությունը.
  - 6) սահմանված կարգով իրականացնում է հրդեհային անվտանգության միջոցառումներ.
  - 7) ապահովում է ֆիզիկական և իրավաբանական անձանց կողմից պահպանվող տարածքների կանոնադրություններով սահմանված դրույթների կատարումը.
  - 8) իր իրավասության սահմաններում իրականացնում է բնակչության էկոլոգիական կրթության ու դաստիարակության միջոցառումներ.
  - 9) ծրագրում և կազմակերպում է գիտահետազոտական աշխատանքներ.
  - 10) անդամակցում է միջազգային բնապահպանական կազմակերպություններին, մասնակցում միջազգային բնապահպանական ծրագրերին.
  - 11) պատրաստում ու հրատարակում է գիտական և գիտաճանաչողական գրականություն ու տեղեկատվական նյութեր.
  - 12) իրականացնում է Հայաստանի Հանրապետության օրենսդրությամբ և սույն կանոնադրությամբ նախատեսված այլ գործառույթներ:
11. Կազմակերպությունն իրականացնում է ձեռնարկատիրական գործունեության հետևյալ տեսակները՝
- 1) Հայաստանի Հանրապետության օրենսդրությամբ սահմանված կարգով կենսառեսուրսների, այդ թվում՝ բույսերի և կենդանիների տեսակների, անտառային ռեսուրսների վերարտադրություն, օգտագործում և իրացում.
  - 2) արժեքավոր և գեղազարդային տնկանյութի ու բուսատեսակների աճեցում և իրացում.
  - 3) գյուղատնտեսական մթերքի արտադրություն, վերամշակում և իրացում.

միայն միայն, վերամշակում և իրացում.

բնակչության հանգստի և զբոսաշրջության, այդ թվում՝ էկոզբոսաշրջության կազմակերպում.

- 6) հանգստի և զբոսաշրջության հետ կապված սպասարկման ծառայությունների մատուցում.
  - 7) կողմնակի անտառօգտագործում (խոտհունձ, անասունների արածեցում, փեթակների և մեղվանոցների տեղադրում, վայրի պտղի, ընկույզի, սնկի, հատապտղի, դեղաբույսերի ու տեխնիկական հումքի հավաքում) և դրա արդյունքում մթերված կենսապաշարների վերամշակում ու իրացում.
  - 8) «Էրեբունի» պետական արգելոցին ու «Որդան կարմիր», «Ջերմուկի ջրաբանական», «Հանքավանի ջրաբանական» և «Զիկատար» պետական արգելավայրերին վերաբերող գովազդի կազմակերպում.
  - 9) գիտական և գիտաճանաչողական գրականության և տեղեկատվական նյութերի պատրաստում ու հրատարակում.
  - 10) տեղեկատվության տրամադրում և խորհրդատվություն, անտառի նյութական գնահատում և անտառի գնահատում, մասնագիտական գիտելիքների վճարովի դասընթացների կազմակերպում:
12. Կազմակերպությունը լիցենզավորման ենթակա գործունեության տեսակներով կարող է զբաղվել միայն լիցենզիայի առկայության դեպքում:

### III. ԿԱԶՄԱԿԵՐՊՈՒԹՅԱՆ ԿԱՌԱՎԱՐՄԱՆ ՄԱՐՄԻՆՆԵՐԸ ԵՎ ԴՐԱՆՑ ԼԻԱԶՈՐՈՒԹՅՈՒՆՆԵՐԸ

13. Կազմակերպության կառավարումն իրականացնում են հիմնադիրը, դրա լիազորված պետական մարմինը, կոլեգիալ կառավարման մարմինը՝ խորհուրդը (այսուհետ՝ խորհուրդ) և գործադիր մարմինը՝ տնօրենը:
14. Կազմակերպության հիմնադիրն ունի դրա գործունեությանը և կառավարմանը վերաբերող ցանկացած հարց վերջնականապես լուծելու իրավունք՝ բացառությամբ օրենքով նախատեսված դեպքերի:
15. Հիմնադրի լիազորությունները սահմանվում են «Պետական ոչ առևտրային կազմակերպությունների մասին» օրենքով:
16. Լիազորված պետական մարմնի լիազորություններն են՝
  - 1) կազմակերպության կանոնադրության հաստատումը և դրանում փոփոխություններ կատարելը.
  - 2) կազմակերպության հիմնարկների, մասնաճյուղերի կամ ներկայացուցչությունների սահմանված կարգով ստեղծումը.
  - 3) կազմակերպության կառավարման համակարգի սահմանումը.
  - 4) կազմակերպության կառավարման (այդ թվում՝ կոլեգիալ) մարմինների ձևավորումը և դրանց լիազորությունների վաղաժամկետ դադարեցումը.
  - 5) կազմակերպության գործունեության նկատմամբ վերահսկողության իրականացումը.
  - 6) կազմակերպության տնօրենի՝ Հայաստանի Հանրապետության օրենսդրության պահանջներին հակասող հրամանների, հրահանգների, կարգադրությունների ու ցուցումների կասեցումը կամ դրանք ուժը կորցրած ճանաչելը.
  - 7) խորհրդի կողմից հավանության արժանացած կազմակերպության հաստիքային ցուցակի և տարեկան ծախսերի նախահաշվի հաստատումը.

կազմակերպության գործունեության մասին հաշվետվությունները լսելը և դրա գործունեության վերստուգման արդյունքները քննարկելը.

- 9) կազմակերպությանն ամրացված պետական սեփականության օգտագործման և պահպանության նկատմամբ վերահսկողության իրականացումը.
  - 10) կազմակերպության լուծարման հանձնաժողովի ստեղծումը և լուծարման հաշվեկշռի հաստատումը.
  - 11) կազմակերպության տնօրենի պաշտոնի համար կազմակերպվող մրցույթի կարգի հաստատումը.
  - 12) «Պետական ոչ առևտրային կազմակերպությունների մասին» օրենքով, հիմնադրի որոշումներով և սույն կանոնադրությամբ նախատեսված այլ գործառույթների իրականացումը:
17. Խորհուրդը՝ Հայաստանի Հանրապետության օրենսդրությանը համապատասխան, կառավարում է կազմակերպության գործունեությունը: Խորհուրդը կազմված է յոթ անդամից, նախագահ ու վեց անդամ, և քարտուղարից: Խորհրդի կազմում ընդգրկվում է ՀՀ Գիտությունների ազգային ակադեմիայի մեկ անդամ: Խորհրդի անդամների ոչ պակաս, քան քսան տոկոսը պետք է կազմեն պետական կազմակերպության աշխատավորական կոլեկտիվի անդամները, որոնց ընտրում է աշխատավորական կոլեկտիվի ընդհանուր ժողովը: Գիտությունների ազգային ակադեմիան գրավոր առաջադրում է խորհրդի անդամի իր թեկնածուին: Խորհրդի անդամներին նշանակում և անհատական կազմը հաստատում է լիազորված պետական մարմնի ղեկավարը: Խորհրդի քարտուղարը՝ տնօրենի ներկայացմամբ, խորհրդի նախագահի կողմից հաստատվում է կազմակերպության աշխատակիցներից:
18. Խորհրդի լիազորություններն են՝
- 1) օրենքով և սույն կանոնադրությամբ նախատեսված՝ կազմակերպության գործունեության բնագավառին, նպատակներին և խնդիրներին համապատասխան՝ կազմակերպության գործունեության հիմնական ուղղությունների վերաբերյալ լիազորված պետական կառավարման մարմին առաջարկություններ ներկայացնելը.
  - 2) կազմակերպության գործադիր մարմնի նկատմամբ ընթացիկ վերահսկողության իրականացումը.
  - 3) տնօրենի լիազորությունների վաղաժամկետ դադարեցման վերաբերյալ պետական լիազորված մարմնին առաջարկություն ներկայացնելը.
  - 4) հիմնադրի կողմից սահմանված կարգով կազմակերպության շահույթի տնօրինման ուղղությունների սահմանումը.
  - 5) կազմակերպության գործունեությունը կանոնակարգող ներքին փաստաթղթերի հաստատումը.
  - 6) իր աշխատակարգի հաստատումը.
  - 7) սահմանված կարգով լիազորված պետական մարմին կազմակերպության հաստիքային ցուցակի և տարեկան ծախսերի նախահաշվի նախագծի վերաբերյալ առաջարկությունների ներկայացումը.
  - 8) կազմակերպության գործադիր մարմնի հաշվետվությունների քննարկումը և հաստատումը.
  - 9) կազմակերպության տարեկան հաշվապահական և այլ հաշվետվությունների, տարեկան հաշվեկշռի քննարկումն ու հաստատումը.

Խտական ոչ առևտրային կազմակերպությունների մասին» օրենքի 22-րդ հոդվածի 3-րդ մասով նախատեսված դեպքերում կազմակերպության գույքի օտարման և ձեռքբերման հետ կապված խոշոր գործարքների կնքման համար համաձայնություն տալը.

- 11) անտառպարկի և դենդրոպարկերի հողամասերի վարձակալության, կառուցապատման իրավունքի և հողամասի նկատմամբ կնքվող այլ պայմանագրերին ու դրանցում կատարվող պայմանագրային պայմանների էական (մակերես և/կամ վարձավճար և/կամ ժամկետ) փոփոխություններին համաձայնություն տալը և կազմակերպության կողմից վարձակալության կամ օգտագործման իրավունքով հանձնվող գույքի, այդ թվում՝ հողամասի նվազագույն վարձավճարների, ինչպես նաև հողամասերի կառուցապատման իրավունքի դիմաց նվազագույն վճարների չափերի հաստատումը.
  - 12) կազմակերպության կողմից մատուցվող ծառայությունների վճարների չափերի հաստատումը.
  - 13) խորհրդի որոշումների կատարման նկատմամբ վերահսկողության իրականացումը.
  - 14) օրենքով և սույն կանոնադրությամբ սահմանված այլ լիազորությունների իրականացումը:
19. Խորհրդի անդամներն իրենց լիազորությունների շրջանակներում իրավունք ունեն՝
- 1) տնօրենից պահանջելու նիստի օրակարգերի հարցերին վերաբերող տվյալներ, հաշվետվություններ, փաստաթղթեր, տեղեկություններ.
  - 2) հարց բարձրացնելու խորհրդում՝ տնօրենի լիազորությունների վաղաժամկետ դադարեցման մասին, Հայաստանի Հանրապետության օրենսդրության, սույն կանոնադրության, լիազորված պետական մարմնի, խորհրդի ու տնօրենի կողմից սահմանված կարգերի, կանոնների և այլ պարտադիր նորմերի պահանջների կոպիտ խախտման դեպքում.
  - 3) իրականացնելու Հայաստանի Հանրապետության օրենսդրությանը չհակասող, խորհրդի իրավասությանն առնչվող կամ խորհրդի կողմից սահմանված վերահսկողական կամ այլ գործառույթներ:
20. Խորհրդի անդամի լիազորությունները դադարեցվում են լիազորված պետական մարմնի ղեկավարի կողմից ընդունված իրավական ակտով՝
- 1) խորհրդի առաջարկությամբ.
  - 2) անձնական դիմումով,
  - 3) խորհրդի նիստերին անընդմեջ երեք անգամ անհարգելի չմասնակցելու դեպքում,
  - 4) կազմակերպության ներկայացուցչի դեպքում՝ կազմակերպության ընդհանուր ժողովի որոշմամբ:
21. Խորհրդի անդամի լիազորությունների դադարեցման դեպքում մինչև առաջիկա խորհրդի նիստը նշանակվում է նոր անդամ:
22. Խորհրդի նախագահը՝
- 1) կազմակերպում է խորհրդի աշխատանքները.
  - 2) նախագահում է խորհրդի նիստերը.
  - 3) կազմակերպում է խորհրդի նիստերի արձանագրությունների վարումը և վավերացումը.
  - 4) խորհրդի նիստերի միջև ընկած ժամանակաշրջանում փամակարգում է կազմակերպության գործադիր մարմնի և խորհրդի անդամների կապերը.
  - 5) որոշում է խորհրդի նիստերի անցկացման կարգը կամ ձևը:
23. Խորհուրդն իր գործունեությունն իրականացնում է նիստերի միջոցով, որոնք գումարվում են առնվազն յուրաքանչյուր երկու ամիսը մեկ անգամ՝ խորհրդի նախագահի կողմից՝ սեփական նախաձեռնությամբ, ինչպես նաև լիազորված պետական մարմնի, գործադիր մարմնի կամ

իրիղի անդամների մեկ երրորդի պահանջով: Խորհրդի նիստը գումարվում է սախաձեռնողների սահմանած ժամկետում և կարգով:

24. Խորհրդի նիստն իրավագոր է, եթե դրան մասնակցում է խորհրդի անդամների կեսից ավելին:
25. Խորհրդի նիստերը վարում է խորհրդի նախագահը, իսկ նրա բացակայության դեպքում, խորհրդի որոշմամբ, նրա պարտականությունները կատարում է խորհրդի անդամներից մեկը:
26. Խորհրդի որոշումը համարվում է ընդունված, եթե այդ որոշմանը կողմ են քվեարկել խորհրդի նիստին ներկա անդամների կեսից ավելին: Քվեարկության ժամանակ խորհրդի յուրաքանչյուր անդամ ունի մեկ ձայնի իրավունք և քվեարկում է կողմ կամ դեմ: Ձայների հավասարության դեպքում խորհրդի նախագահի, իսկ նրա բացակայության դեպքում նիստը նախագահողի ձայնը վճռորոշ է:
27. Խորհրդի, այդ թվում հարցման կարգով կամ հեռավար կազմակերպված, նիստերն արձանագրվում են խորհրդի քարտուղարի կողմից: Խորհրդի նիստի արձանագրության պատճենը խորհրդի քարտուղարը ներկայացնում է լիազոր մարմին:
28. Անհրաժեշտության դեպքում՝ խորհրդի նիստերը կարող են կազմակերպվել հարցման կարգով՝ գրավոր փաստաթղթերի կամ դրանց էլեկտրոնային պատճենների փոխանցմամբ, կամ հեռավար՝ տեխնիկական միջոցների կիրառմամբ: Եթե խորհրդի արձանագրության նախագիծը խորհրդի անդամին պատշաճ ուղարկվելուց կամ փոխանցվելուց հետո եռօրյա ժամկետում խորհրդի անդամի կողմից պատասխան չի տրվում, ապա համարվում է, որ խորհրդի անդամը կողմ է արձանագրության նախագծին:
29. Խորհրդի նիստերին՝ խորհրդի համաձայնությամբ, կարող են մասնակցել հրավիրված այլ անձիք:
30. Տնօրենն իրավունք չունի հանդես գալ որպես կազմակերպության խորհրդի անդամ, սակայն կարող է մասնակցել խորհրդի նիստերին՝ խորհրդակցական ձայնի իրավունքով:
31. Կազմակերպության ընթացիկ գործունեության ղեկավարումն իրականացնում է տնօրենը:
32. Կազմակերպության տնօրենն օրենքով, հիմնադրի ու լիազորված մարմնի, ինչպես նաև խորհրդի որոշումներով և սույն կանոնադրությամբ իրեն վերապահված լիազորությունների սահմաններում ղեկավարում է կազմակերպության գործունեությունը և կրում պատասխանատվություն՝ օրենքների, այլ իրավական ակտերի, հիմնադրի կամ լիազորված պետական մարմնի խորհրդի որոշումների, սույն կանոնադրության և կնքված պայմանագրերի պահանջները չկատարելու կամ ոչ պատշաճ կատարելու համար:
33. Կազմակերպության տնօրենի պաշտոնում նշանակվում է մրցույթի արդյունքում հաղթող ճանաչված թեկնածուն կամ թեկնածուներից մեկը՝ լիազորված պետական մարմնի ղեկավարի կողմից:
34. Տնօրենի հետ կնքվում է պայմանագիր, որը հիմնադրի անունից ստորագրում է լիազորված պետական մարմնի ղեկավարը: Պայմանագրում սահմանվում են նրա իրավունքները, պարտականությունները, պատասխանատվությունը և փոխհարաբերությունները լիազորված պետական մարմնի, կազմակերպության կառավարման այլ մարմինների հետ, նրա աշխատանքի վարձատրման պայմանները, պայմանագրի դադարեցման՝ օրենքով նախատեսված բոլոր հիմքերը և այլ դրույթներ, որոնք պայմանավորվող կողմերը կգտնեն անհրաժեշտ: Պայմանագրի դրույթները չեն կարող հակասել Հայաստանի Հանրապետության աշխատանքային օրենսդրության պահանջներին՝ բացառությամբ օրենքով նախատեսված դեպքերի:

Տնօրենը չի կարող զբաղեցնել այլ պաշտոն կամ կատարել վճարովի այլ աշխատանք՝ բացի գիտական, մանկավարժական և ստեղծագործական աշխատանքից:

36. Տնօրենը գույքային պատասխանատվություն է կրում իր մեղքով կազմակերպությանը և (կամ) պետությանը պատճառած վնասի համար: Տնօրենի լիազորությունների դադարեցումը հիմք չէ պատճառած վնասը հատուցելու պարտականությունները չկատարելու համար: Տնօրենի լիազորությունները դադարեցնող անձը պարտավոր է օրենքով սահմանված կարգով լուծել նաև նրա կողմից կազմակերպությանը կամ պետությանը պատճառած վնասի փոխհատուցման հարցը: Սույն պահանջը չկատարելու հետևանքով կազմակերպությանը կամ պետությանը պատճառված վնասի համար կազմակերպության տնօրենի լիազորությունները դադարեցրած պաշտոնատար անձը կրում է գույքային պատասխանատվություն:
37. Տնօրենը պարտավոր է չկատարել հիմնադրի, լիազորված պետական մարմնի խորհրդի՝ Հայաստանի Հանրապետության օրենսդրությանը հակասող որոշումները, կարգադրությունները, հրամանները և դրանց չկատարման համար չի կարող ենթարկվել պատասխանատվության:
38. Տնօրենի բացակայության դեպքում, լիազորված պետական մարմնի ղեկավարի գրավոր որոշմամբ այդ լիազորություններն իրականացնում է այլ անձ:
39. Տնօրենի լիազորությունները դադարեցվում են՝ օրենքով սահմանված դեպքերում:
40. Տնօրենի տեղակալը և հիմնարկի, մասնաճյուղի տնօրենը կամ ղեկավարը պաշտոնի նշանակվում և պաշտոնից ազատվում է կազմակերպության տնօրենի կողմից:
41. Տնօրենը՝
  - 1) առանց լիազորագրի հանդես է գալիս կազմակերպության անունից, ներկայացնում դրա շահերը և կնքում գործարքներ.
  - 2) Հայաստանի Հանրապետության օրենսդրությամբ, հիմնադրի ու լիազորված պետական մարմնի որոշումներով և կազմակերպության կանոնադրությամբ սահմանված կարգով տնօրինում է կազմակերպության գույքը, այդ թվում՝ ֆինանսական միջոցները.
  - 3) տալիս է կազմակերպության անունից հանդես գալու լիազորագրեր, այդ թվում՝ վերալիազորման իրավունքով լիազորագրեր.
  - 4) աշխատանքի նշանակում և աշխատանքից ազատում է կազմակերպության աշխատողներին, նրանց նկատմամբ կիրառում խրախուսման միջոցներ ու նշանակում կարգապահական տույժեր.
  - 5) ֆինանսների նախարարության գործառնական վարչությունում բացում է հաշվարկային հաշիվներ.
  - 6) կատարում է աշխատանքի բաշխում իր և տեղակալի միջև.
  - 7) սահմանում է կազմակերպության կառուցվածքն ու կառուցվածքային ստորաբաժանումների իրավասությունները.
  - 8) օրենքով և կազմակերպության կանոնադրությամբ սահմանված իր լիազորությունների սահմաններում արձակում է հրամաններ, հրահանգներ, տալիս կատարման համար պարտադիր ցուցումներ և վերահսկում դրանց կատարումը.
  - 9) ապահովում է կազմակերպության գործունեության մասին համապատասխան հաշվետվությունների կազմումը և դրանք սահմանված կարգով ներկայացնում լիազորված պետական մարմնին.
  - 10) Հայաստանի Հանրապետության օրենսդրությամբ սահմանված կարգով ձեռնարկում է միջոցներ՝ կազմակերպությունների և ֆիզիկական անձանց կողմից պահպանող

տարածքների ռեժիմների խախտման հետևանքով բնությանը պատճառված վնասը հատուցելու համար.

- 11) իրականացնում է Հայաստանի Հանրապետության օրենսդրությանը չհակասող և կազմակերպության կառավարման այլ մարմինների չվերապահված այլ լիազորություններ.
- 12) հաստատում է հիմնարկների կամ մասնաճյուղերի կանոնադրությունները:

#### **IV. ԿԱԶՄԱԿԵՐՊՈՒԹՅԱՆ ԿՈՂՄԻՑ ՊԱՀՊԱՆՎՈՂ ՏԱՐԱԾՔՆԵՐԻ ՊԱՀՊԱՆՈՒԹՅԱՆ ԻՐԱԿԱՆԱՑՈՒՄԸ**

42. Արգելոցի, արգելավայրերի, անտառպարի և դենդրոպարկերի պահպանությունն իրականացվում է կազմակերպության պահպանության ստորաբաժանման և տեղամասային տեսուչների (այսուհետ՝ պահպանության ծառայության աշխատողներ) միջոցով:
43. Պահպանության ծառայության աշխատողները՝
  - 1) ապահովում են Հայաստանի Հանրապետության օրենսդրությամբ, պահպանվող տարածքների և սույն կանոնադրություններով, ինչպես նաև արգելոցի և արգելավայրերի ռեժիմներով, անտառպարի և դենդրոպարկերի կանոնակարգերով սահմանված բնապահպանական նորմերի և կանոնների կատարումը, ստուգում են պահպանվող տարածքներ մուտք գործող անձանց անցագրերը.
  - 2) կանխում են պահպանության ռեժիմները խախտող ցանկացած գործողություն.
  - 3) կազմում են պահպանվող տարածքների ռեժիմների խախտումների մասին արձանագրություններ, դրանք ներկայացնում տնօրենին՝ Հայաստանի Հանրապետության օրենսդրությամբ սահմանված կարգով դրանց ընթացք տալու համար.
  - 4) իրավախախտողի անձը խախտման վայրում պարզելու անհնարինության դեպքում կարող են նրան բերել ոստիկանության մոտակա բաժին.
  - 5) օրենքով սահմանված դեպքերում վերցնում և պատկան մարմիններին են հանձնում պահպանության ռեժիմները խախտող անձանց իրավախախտման գործիք կամ անմիջական օբյեկտ հանդիսացող իրերն ու փաստաթղթերը.
  - 6) պահպանության ռեժիմը խախտող անձի բացակայության դեպքում վերցնում և պատկան մարմիններին են հանձնում իրավախախտման գործիքները կամ անմիջական օբյեկտ հանդիսացող իրերը.
  - 7) ապահովում են պահպանվող տարածքներում ֆիզիկական անձանց ու կազմակերպությունների կողմից սույն կանոնադրությամբ սահմանված պահանջների կատարումը:
44. Պահպանության ծառայության աշխատողը Հայաստանի Հանրապետության օրենսդրությամբ սահմանված կարգով իրավունք ունի կրելու համազգեստ և օգտագործելու քաղաքացիական ու ծառայողական զենք:
45. Ծառայողական պարտականությունները կատարելու ժամանակ պահպանության ծառայության աշխատողների առողջությանը և գույքին պատճառված վնասի հատուցումը կատարվում է օրենքով սահմանված կարգով:

#### **V. ԿԱԶՄԱԿԵՐՊՈՒԹՅԱՆ ԿՈՂՄԻՑ ԻՐԱԿԱՆԱՑՎՈՂ ԳԻՏԱԿԵՏԱԶՈՏԱԿԱՆ ԱՇԽԱՏԱՆՔՆԵՐԸ, ՄՈՆԻԹՈՐԻՆԳԸ ԵՎ ԿԱԴԱՍՏՐԻ ՎԱՐՈՒՄԸ**

46. Կազմակերպության կողմից իրականացվող գիտական հետազոտությունները, մոնիթորինգը և կադաստրի վարումն ուղղված են պահպանվող տարածքների բնական էկոհամակարգերի

ուումնասիրմանը, բնական երևույթների և էկոլոգիական իրավիճակի կանխատեսմանն ու գնահատմանը, բուսական և կենդանական աշխարհի գենոֆոնդի պահպանմանը, ինչպես նաև բնական պաշարների արդյունավետ օգտագործման և բնության պահպանության գիտական հիմունքների մշակմանը:

47. Գիտահետազոտական աշխատանքները, մոնիթորինգը և կադաստրի վարումը կազմակերպում է կազմակերպության գիտության բաժինը:

48. Գիտահետազոտական աշխատանքները՝

- 1) իրականացվում են կառավարության կողմից հաստատված Հայաստանի Հանրապետության պետական բյուջեի, ինչպես նաև ազգային ու միջազգային դոնոր կազմակերպությունների, կազմակերպության կողմից ձեռնարկատիրական գործունեությունից առաջացած միջոցների և օրենքով չարգելված ֆինանսավորման այլ աղբյուրների հաշվին.
- 2) լիազորված պետական մարմնի համաձայնությամբ, պայմանագրային հիմունքներով կարող են իրականացվել այլ կազմակերպությունների և մասնագետների կողմից կամ համատեղ.
- 3) նպատակաուղղված են պարկի էկոհամակարգերի և դրանց բաղադրիչների պահպանության և օգտագործման ձևերի ու մեթոդների մշակմանը, հազվագյուտ և անհետացող տեսակների վերարտադրությանը, գիտական և գիտաճանաչողական նյութերի պատրաստմանն ու հրատարակմանը:

49. Մոնիթորինգը՝

- 1) կազմակերպվում և իրականացվում է Հայաստանի Հանրապետության պետական բյուջեի, կազմակերպության կողմից ձեռնարկատիրական գործունեությունից առաջացած միջոցների և Հայաստանի Հանրապետության օրենսդրությամբ չարգելված այլ ֆինանսական միջոցների հաշվին.
- 2) նպատակաուղղված է կենսաբանական բազմազանության տարածվածության, տեսակային կազմի, քանակի, բնակության վայրերի, կենդանիների միգրացիայի ուղիների առկա վիճակի բացահայտմանը, ինվազիվ՝ օտարածին (ներմուծված) տեսակների տարածվածության ուսումնասիրությանը, էկոհամակարգերի և դրանց բաղադրիչների քանակական և որակական փոփոխությունների գնահատմանն ու կանխատեսմանը, բնական և մարդածին գործոնների ազդեցության բացահայտմանը.
- 3) իրականացվում է ելակետային տվյալների ստացման և հավաքագրման նպատակով ստեղծված դիտարկման ցանցում, որը ներառում է մշտական կամ ժամանակավոր (սեզոնային) դիտակետեր, փորձահրապարակներ, երթուղիներ:

50. Կադաստրի վարումը՝

- 1) կազմակերպվում և իրականացվում է Հայաստանի Հանրապետության պետական բյուջեի, կազմակերպության կողմից ձեռնարկատիրական գործունեությունից առաջացած միջոցների և Հայաստանի Հանրապետության օրենսդրությամբ չարգելված այլ ֆինանսական միջոցների հաշվին.
- 2) նպատակաուղղված է գիտական ուսումնասիրությունների և մոնիթորինգի իրականացման ընթացքում ստացված տվյալների հավաքագրմանն ու դասակարգմանը, տարածքների և բնական պաշարների օգտագործման հաշվառմանը, ամփոփմանը և վերլուծմանը, տարածքների օգտագործման օպտիմալ ծանրաբեռնվածության բացահայտմանը.
- 3) իրականացվում է գիտական ուսումնասիրությունների, մոնիթորինգի իրականացման արդյունքում ստացված տվյալների, տարածքների օգտագործման պայմանագրերի,

վճարովի ծառայությունների մատուցման մասին տվյալների հիման վրա՝ տվյալները գրանցելով գրանցամատյանում և համակարգչային տվյալների շտեմարաններում:

## VI. ԿԱԶՄԱԿԵՐՊՈՒԹՅԱՆ ԳՈՒՅՔԸ ԵՎ ՖԻՆԱՆՍԱԿԱՆ ՄԻՋՈՑՆԵՐԸ, ՏԱՐԱԾՔԻ ՕԳՏԱԳՈՐԾՄԱՆ ԱՌԱՆՁՆԱՀԱՏԿՈՒԹՅՈՒՆՆԵՐԸ

51. Հիմնադիրը կարող է պետական կազմակերպությանն անժամկետ և անհատույց օգտագործման իրավունքով ամրացնել ցանկացած գույք:
52. Պետական կազմակերպությունն իրավունք ունի իրեն ամրացված գույքը պետության անունից հանձնել վարձակալության, եթե դա արգելված չէ հիմնադրի որոշմամբ կամ պետական կազմակերպության կանոնադրությամբ: Պետական կազմակերպությանն ամրացված գույքը վարձակալության է հանձնվում Հայաստանի Հանրապետության կառավարության որոշմամբ: Վարձակալության հանձնված գույքի վարձակալական վճարներից ստացված դրամական միջոցներն ամբողջությամբ ուղղվում են պետական բյուջե:
53. Վարձակալության չհանձնված ամրացված գույքի օգտագործման արդյունքում պետական կազմակերպության ստացած եկամուտները պետական կազմակերպության սեփականությունն են, եթե այլ բան նախատեսված չէ պետական կազմակերպության կանոնադրությամբ:
54. Պետական կազմակերպությանն ամրացված գույքի օգտագործման ընթացքում առաջացած անբաժանելի բարելավումները հիմնադրի սեփականությունն են:
55. Կազմակերպությունն անժամկետ և անհատույց օգտագործման իրավունքով օգտագործում (տիրապետում) է իրեն ամրացված գույքը:
56. Կազմակերպության ֆինանսական միջոցները գոյանում են Հայաստանի Հանրապետության պետական բյուջեից հատկացված միջոցներից և կազմակերպության կողմից ձեռնարկատիրական գործունեությունից, միջոցառումների իրականացման, հովանավորչական, նվիրատվական նպատակներով տրամադրվող, ինչպես նաև Հայաստանի Հանրապետության օրենսդրությանը չհակասող այլ մուտքերից:
57. Կազմակերպության ձեռնարկատիրական գործունեության ընթացքում առաջացած շահույթն օգտագործվում է կազմակերպության կանոնադրական նպատակներին համապատասխան:
58. Բնության հատուկ պահպանվող տարածքների օգտագործումը վճարովի է (բացառությամբ կրթադաստիարակչական միջոցառումների և գիտական ուսումնասիրությունների) և կատարվում է Հայաստանի Հանրապետության օրենսդրությամբ սահմանված կարգով:
59. Արգելոցի և «Որդան կարմիր» արգելավայրի տարածքներ մուտք գործելու համար՝
  - 1) իրավաբանական անձինք նախապես դիմում են ներկայացնում կազմակերպությանը՝ մուտքի անցագիր ձեռք բերելու համար, որում պետք է ներառվեն տեղեկություններ տարածք մուտք գործելու նպատակի, ժամանակի և մուտք գործող անձանց թվի վերաբերյալ.
  - 2) զբոսաշրջային կազմակերպությունները նախապես կարող են կնքել պայմանագրեր՝ զբոսաշրջությունը կազմակերպելու համար.
  - 3) ֆիզիկական անձինք տարածք մուտք կարող են գործել Հայաստանի Հանրապետության օրենսդրությամբ սահմանված վճարը մուծելուց և կազմակերպության կողմից անցագիր ստանալուց հետո.

սահմանված մուտքավճարներն իրավաբանական անձինք նախապես մուծում են կազմակերպության հաշվեհամարին, իսկ ֆիզիկական անձինք՝ ինչպես հաշվեհամարին, այնպես էլ արգելոցի անցակետերում:

60. Արգելոցի և «Որդան կարմիր» արգելավայրերի տարածքներ մուտք գործելու թույլտվություն չի տրամադրվում, եթե մուտքի համար հայտով ներկայացված ժամանակահատվածում առկա են կազմակերպության կառավարման մարմիններից որևէ մեկի կողմից իրավական ակտով նախատեսված սահմանափակումներ:
61. Արգելոցի և «Որդան կարմիր» արգելավայրի տարածքներ ֆիզիկական և իրավաբանական անձանց մուտք գործելու համար տպագրում է տարբերակված անցագրեր:
62. Մուտքն արգելոցի կամ «Որդան կարմիր» արգելավայրի տարածք թույլատրվում է միայն կազմակերպության համապատասխան աշխատողի ուղեկցությամբ:
63. Արգելոցի կամ «Որդան կարմիր» արգելավայրի տարածք մուտք գործողները սահմանված կարգով գրանցվում են արգելոցի կամ արգելավայրի մուտքի գրանցամատյանում: Գրանցամատյանի վարումն իրականացնում է կազմակերպությունը:
64. Հողամասերի վարձակալության, կառուցապատման իրավունքը տրամադրվում է կազմակերպության կողմից՝ Հայաստանի Հանրապետության օրենսդրությամբ սահմանված մրցությամբ հանձնաժողովի եզրակացության հիման վրա: Հողամասերի վարձակալության կամ կառուցապատման իրավունքի տրամադրման մասին պայմանագրերը կնքվում են կազմակերպության հետ՝ Հայաստանի Հանրապետության օրենսդրությամբ սահմանված կարգով:
65. Համայնքների վարչական սահմաններում ընդգրկված տարածքների հետ կապված փոխհարաբերությունները կարգավորվում են կազմակերպության և համայնքի միջև կնքված պայմանագրով՝ Հայաստանի Հանրապետության օրենսդրությամբ սահմանված կարգով:
66. Զբոսաշրջային գործունեություն իրականացնելու համար, զբոսաշրջային կազմակերպությունները Հայաստանի Հանրապետության օրենսդրությամբ սահմանված կարգով նախապես պայմանագիր են կնքում կազմակերպության հետ:
67. Կազմակերպության համապատասխան տարածքներում հողամասերը կարող են օրենքով սահմանված կարգով վարձակալության իրավունքով տրամադրվել՝
  - 1) հիմք ընդունելով անտառգույքագրման և կենսաբանական պաշարների գնահատման տվյալները կողմնակի անտառօգտագործման նպատակով՝ մինչև հինգ տարի ժամկետով:
  - 2) գյուղատնտեսական գործունեություն ծավալելու նպատակով՝ մինչև 10 տարի ժամկետով:
  - 3) հանգստի կազմակերպման նպատակով՝ մինչև 25 տարի ժամկետով:
  - 4) հիմնական շինություններով կառուցապատման դեպքում՝ մինչև 60 տարի ժամկետով:
68. Կազմակերպությունն ունի ինքնուրույն հաշվեկշիռ և Հայաստանի Հանրապետության արժույթով և (կամ) արտարժույթով գանձապետական հաշվարկային հաշիվներ:

## VII. ԿԱԶՄԱԿԵՐՊՈՒԹՅԱՆ ԳՈՐԾՈՒՆԵՈՒԹՅԱՆ ՆԿԱՏՄԱՄԲ ՎԵՐԱՀՍԿՈՂՈՒԹՅՈՒՆԸ

69. Կազմակերպության գործունեության նկատմամբ վերահսկողությունն իրականացնում է հիմնադիրը, լիազորված պետական մարմինը և խորհուրդը:
70. Կազմակերպությունը հիմնադրի կողմից սահմանված կարգով հրապարակում է տարեկան ֆինանսական հաշվետվությունը:

### VIII. ԿԱԶՄԱԿԵՐՊՈՒԹՅԱՆ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ

71. Կազմակերպությունը կարող է վերակազմակերպվել կամ լուծարվել հիմնադրի որոշմամբ և (կամ) Հայաստանի Հանրապետության օրենսդրությամբ նախատեսված դեպքերում ու կարգով:
72. Կազմակերպության լուծարման դեպքում կազմակերպության պարտատերերի պահանջների բավարարումից հետո մնացած գույքն ուղղվում է Հայաստանի Հանրապետության պետական բյուջե:

Կազմված է «18» «02» 2025թ.

Բաղկացած է 2 թերթից

Տպագրված է ընդամենը 1 օրինակ

Օրինակ 1

**ՀԱՍՏԱՏՎԱԾ Է**

Հայաստանի Հանրապետության  
շրջակա միջավայրի նախարարի

2024 թվականի մայիսի 30-ի N 184-Լ և

2025 թվականի փետրվարի 18-ի N 55-Լ

Հրամանների համաձայն

Շրջակա միջավայրի

Նախարար



Հ.Սիմիոյան

« 18 » « 02 » 2025թ.

**Գ Ր Ա Ն Ց Վ Ա Ծ Է**

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ

ՌԵԳԻՍՏՐԻ ԿՈՂՄԻՑ

«26» «02» 2003թ.

գրանցման համարը՝ 42.210.02021

ՀՎՀՀ՝ 00804807

16.10.2020թ. գրանցված

կանոնադրության թիվ

1023 փոփոխությունը գրանցված է

իրավաբանական անձանց պետական

ռեգիստրի կողմից

«1» «03» 2025թ.



«ԱՐԳԵԼՈՅԱՊԱՐԿԱՅԻՆ ՀԱՄԱԼԻՐ»

ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ

ԿԱՆՈՆԱԴՐՈՒԹՅՈՒՆ

(ՓՈՓՈԽՈՒԹՅՈՒՆ)

ԵՐԵՎԱՆ-2025թ.

**Շրջակա միջավայրի նախարարի 2024 թվականի մայիսի 30-ի թիվ 184-L հրաման**

Շրջակա միջավայրի նախարարի 2020 թվականի հոկտեմբերի 2-ի «Շրջակա միջավայրի նախարարության «Արգելոցապարկային համալիր» պետական ոչ առևտրային կազմակերպության կանոնադրությունը հաստատելու և շրջակա միջավայրի նախարարի 2020 թվականի հուլիսի 29-ի N249-L հրամանն ուժը կորցրած ճանաչելու մասին» N378-L հրամանի հավելվածի՝

- 1) 9-րդ կետից հանել «պահպանության» բառը և կետադրական նշանը,
- 2) 9-րդ կետի ա) ենթակետը շարադրել հետևյալ խմբագրությամբ,  
«ա) կազմակերպում, իրականացնում կամ աջակցում է պահպանվող տարածքների բնական էկոհամակարգերի լանդշաֆտային ու կենսաբանական բազմազանության գենոֆոնդի, բնության և մշակութային ժառանգության գիտական ուսումնասիրությունը.»»,
- 3) 9-րդ կետի դ) ենթակետը շարադրել հետևյալ խմբագրությամբ.  
«դ) Հայաստանի Հանրապետության օրենսդրությամբ սահմանված դեպքերում իրականացնում է խախտված էկոհամակարգերի վերականգնման միջոցառումներ.»»,
- 4) ուժը կորցրած ճանաչել 9-րդ կետի զ) ենթակետը,
- 5) ուժը կորցրած ճանաչել 4-րդ բաժինը:

**Շրջակա միջավայրի նախարարի 2025 թվականի փետրվարի 18-ի թիվ 55-L հրաման**

Շրջակա միջավայրի նախարարի 2020 թվականի հոկտեմբերի 2-ի «Շրջակա միջավայրի նախարարության «Արգելոցապարկային համալիր» պետական ոչ առևտրային կազմակերպության կանոնադրությունը հաստատելու և շրջակա միջավայրի նախարարի 2020 թվականի հուլիսի 29-ի N249-L հրամանն ուժը կորցրած ճանաչելու մասին» N378-L հրամանի հավելվածի՝

- 1) 46-րդ կետն ուժը կորցրած ճանաչել,
- 2) հրամանի հավելվածը լրացնել նոր 49.1 կետով.  
«49.1. Էկոտուրիզմի կազմակերպումը՝
  - 1) իրականացվում է համագործակցություն տուրիստական կազմակերպություններ և ուսումնական հաստատությունների հետ,
  - 2) կազմակերպվում է այցելուների ընդունելություն, էկոկրթական միջոցառումներ և շրջայցեր,
  - 3) պատրաստվում և ներկայացվում է գիտական, գիտաճանաչողական գրականություն, տեղեկատվական և գովազդային նյութեր՝ սոցիալական ցանցերում:»: